

Universitätsbibliothek Paderborn

**Francisci Bellegambe è Societate Jesu Theologi,
Enchiridion Theologo Practicum Tripartitum, De Ivbilæo
Ecclesiastico**

Bellegambe, François

Coloniæ Agrippinæ, 1700

Sectio III. De Modo, Tempore, Ordine, Et Loco Executionis Operum
Præscriptorum?

urn:nbn:de:hbz:466:1-42093

S. 3. De executione operum. 147
scandalο; vel quia homo est nimis negligens in subveniendo spiritualiter communione, propter quod tales gratiae conceduntur. Hactenus Suarez.

SECTIO III.

DE MODO, TEMPORE, ORDINE, ET LOGO EXECUTIONIS OPERUM.

PRÆSCRIPTORUM.

QUEST. I. An opera prescripta debant perfici ab eo, qui lucraturus est Jubilaum, sic ut non possint per alium fieri pro illo?

R. Ita debere fieri. Navarrus, Natab. 22. n. 2. Suarez, to. 4. in 3. p. disp. 52. sect. 7. Filiucius, tr. 8. n. 161. Lugo, disp. 27. n. 86. & alii communiter.

Ratio est: Quia non est à proprietate verborum recedendum. E. Non aliter, ff. De Legatis & Fideicommiss. 3. Propriè autem & verè non jejunat, orat, confitetur, communicat, visitat

G 2 Eccle-

148 P. 3. De Jubilæo extraordinario.

Ecclesiæ, qui non per se, sed per alium ista facit. Eleemosynam tamen sufficit dare per famulum : quia ita faciens, censetur moraliter & propriè dare.

Q. 2. Quandonam sint peragenda opera?

R. Intra tempus præscriptum in Bullâ hujus Jubilæi , adeoque intra duas hebdomadas: communiter enim pro isto conceduntur duæ tantum septimanæ. Confessionem tamen posse fieri uno alteròve die ante inchoationem Jubilæi , censem Layman & alii, ut dicetur *Sed. 7. q. 3.*

Q. 3. An omnia opera præstari debeant intra unam eandemque septimanam?

R. Affirmant Henriquez l. 7. c. II. n. 2. Sanctarellus c. 7. d. 1. & alii: & hæc quidem sententia est omnino tutior, & ferè Fidelibus in praxi , & suadenda, eamque in suis Diplomaticis publicationis Jubilæi sectantur aliqui Ordinarii, exprimentes omnia opera peragenda esse intra unam eandem septimanam.

Ni-

Nihilominus probabilior est opinio contraria: quam cum aliis tenent Layman c. 8. n. 10. Bonacina, *De Sacram. disp.* 6. q. 1. pu. 5. n. 34. Joannes Præpositus n. 87. Petr. Marchantius, *Tribun. Sacram. to.* 1. tr. 2. tit. 2. q. 10. dub. 12. fine, Diana, p. 3. tr. 4. R. 153. & p. 5. tr. 12. R. 24. apud quem testatur Naldus, respondisse consultos Patres sacræ Pœnitentiariæ, posse partem operum impleri in primâ hebdomadâ, & partem in secundâ.

Certè ex verbis Bullarum, saltem recentiorum, adeoque & novissimarum Innocentii XII. videtur solum haberi, jejunia, & confessionem, ac communionem, facienda intra unam eandemque septimanam; (de his tamen aliquid posteà, agendo de singulis) cætera verò, scilicet visitationem Ecclesiæ, & orationem, atque elemosynam, posse fieri alterâ.

Q. 4. Quibus diebus perficienda sunt opera?

R. Iis, quibus mandantur. Doctores

G 3

com-

150 P. 3. De Jubilao extraordinariorum.
communiter. Quare non satisfaceret,
qui non feriâ quartâ, sed feriâ quintâ
jejunaret: quia Bulla exprimit jejunia
feriæ quartæ, sextæ, & sabbathii.

Q. 5. Quo ordine peragenda opera?

R. Eodem, quo mandantur. Vix
tamen unquam prescribitur certus
ordo operum inter se, nisi quandoque
in Confessione & Communione, ut
dicetur suis locis. Quare communi-
ter nil interest, utrum prescriptorum
operum alteri præponatur.

Unde, et si (inquit Layman cap. 8,
n. 7. §. Nunc probatur) in Bullâ Pontifi-
ciâ dicatur, ut qui de peccatis confessi,
trina jejunia, eleemosynam, & Ecclesia
visitationem peregerint, Indulgentiam lu-
centur: commodus tamen, & valde usi-
tacus sensus est, ut, si hac omnia quocum-
que tandem ordine impleta fuerint, Indul-
gentiam consequi liceat. Atque similes lo-
quendi modos reperies in L. ult. ff. Man-
dati, & Cap. Licet ex quadam, De testi-
bus.

Q. 6. Quo in loco præstanta sunt opera?

R.

R. Et si securius sit, in loco promulgationis Jubilæi, opera omnia perficere: tamen absolute, dummodo fiat visitatio Ecclesiarum designatarum in illo loco, reliqua opera præstari possunt alibi.

Ratio est: Quia in formâ concessio-
nis nullo modo præscribitur, omnia
opera præstanda esse in loco, ubi Jubi-
læum fuerit publicatum; neque id
expediens esse videbatur: cùm nul-
lam specialem dignitatem opera in-
juncta acquirant ex eo quod in loco
publicationis fiant potius quam in
alio: eundem siquidem finem reti-
nent consequendi Jubilæi. Layman
c. 8.n.11. Bonacina disp. 6. de Indulg. q.
1. pu. 5. n. 35. Castropalao pa. 12. §. 3. n.
21. Lugo n. 124. & seqq.

Q. 7. Quid, si Diœcesanus Tornacen-
sis, statim post promulgationem Jubilæi in
Diœcesi Tornacensi, incipiat partem ope-
rum exequi, & nondum omnibus peractis,
veniat in locum Diœcesis Atrebaten-
sis, putat Armenteriam, ubi etiam sit promulgatum,

152 P. 3. De Jubilæo extraordinario.
ibique reliqua exequatur; An lucrabitur
Jubilæum?

R. Si solum visitavit Ecclesiæ de-signatas ab Ordinario Tornacensi, potest reliqua omnia peragere in Diœcesi Atrebatensi, ut & alibi, et si nondum esset ibi promulgatum; & ita lucrari Jubilæum. Si in eadem Diœcesi Tornacensi jejunavit quidem feria quartâ, aut etiam feria sextâ, & ibidem fecit eleemosynam, sed Ecclesiæ illuc designatas non visitavit; visitandæ erunt Ecclesiæ designatæ ab Ordinario Atrebatensi, si pro Jubilæo designandæ sint; & repetenda erunt jejunia & eleemosyna, quæ in Tornacensi facta fuerint, aut petenda commutatio: quia promulgatio Atrebatensis non dat illi jus lucrandi Jubilæum per opera alibi præstata ante presentiam sui in loco promulgationis. Quod si in Atrebatensi promulgatum non esset, aut si expirasset tempus, nihil obtinebit. Poterit tamen reversus in suam Diœcesim Tornacen-

nacensēm, lucrari Jubilæum eā ratio-
ne, quā alii iter agentes, ut dictum est
Sect. 2. q. 4. Vide Lugon. 127. Go-
bat. n. 90.

SECTIO IV.

DE PROCESSIONIBUS, VISITATIONE
ECCLESiarum, ET ORATIONE.

QUÆST. I. *An sit gravis obligatio
indicendi Processiones? & quot?*
RESP. I. Si Pontifex in Bullâ Ju-
bilæ, ut Innocentius X. anno 1648. in
virtute sanctæ obedientiæ districte
præcipiat atque mandet Ordinariis
locorum, & curam Animarum exer-
centibus, ut Cleris & Populis sibi
subjectis solemnies Processiones &
Supplicationes indicant; haud dubiè
mortaliter delinqueret Ordinarius,
aut, eo deficiente, curam Anima-
rum exercens, qui nullam indiceret.
Patet ex gravitate præcepti & mate-
riæ, praxi etiam receptâ. Non

G s vide-